

Raporto de AGEI al ILEI por 2010

Nomo kaj mallongigo en Esperanto:

Asocio de Germanaj Esperanto-Instruistoj / AGEI

Nomo kaj mallongigo nacilingve:

Verband Deutscher Esperanto-Lehrer e.V., / VDEL

Jaro de fondo / Jaro de aliĝo al ILEI:

1968, nova statuto, nova registriĝo: 2006.07.04

Jura statuso:

Asocio jure registrita ĉe juĝejo en Hannover, Amtsgericht, Registergericht, 04.07.2006

Rilato kun Landa Asocio de UEA:

sendependa organizaĵo, faka asocio de GEA

Membro-nombro fine de 2010:

83+6 familianoj kun sama adreso, kiuj ne pagas plenan membrotizon kaj ne ricevas IPR de ILEI

Nombro da rajtigataj / nomumitaj komitatanoj por 2010:

4 (Rudolf Fischer, Christof Krick, Harald Schmitz, Wolfgang Bohr)

Ret-adreso sekcia:

ret-adreso sekcia tiu de la prezidanto: zsofia.korody@esperanto.de

retpaĝo: <http://esperanto.de/agei>

ĝin prizorgas Zsofia Korody, regule, laŭbezzone ĝisdatigas ĝin. Aperas alvokoj, gravaj novaĵoj, informoj. Ni planas paŝo post paŝo ampleksigi ĝin per fakaj artikoloj, informoj pri projektoj, ktp.

Revuo sekcia:

AGEI ne plu eldonas gazeton. Ne regule, laŭokaze aperas Instru-cirkulero, 2-6 paĝa informilo ne nur por AGEI-membroj sed por multaj aliaj agademaj, aktivaj Esperantistoj, kiuj iel rilatas al instruado. Ĝin redaktas Zsofia Korody kaj sendas al ĉ. 200 adresoj rete – ĉefe per la dissendolisto instru-german@yahoo.com. AGEI-membroj nehavantaj retadreson ricevas ĝin per poŝto.

Por informado estas ankaŭ Esperanto aktuell kaj IPR je dispono por la membraro.

Enlanda membrotizo:

25 EUR, restas 7 EUR/membro por landa agado

Nuna estraro:

trovebla ankaŭ sur la hejmpaĝo de AGEI

prezidanto / sidejo de AGEI:

Zsofia Korody, Grubenhagenstr. 6, 37412 Herzberg am Harz, Tel. 05521-5983,
zsofia.korody@esperanto.de

vicprezidanto:

Dr. Rudolf Fischer, Gustav-Adolf-Str. 2a, 48356 Nordwalde,
Rudolf.Fischer@esperanto.de

kasisto kaj membroadministranto:

Christof Krick, Günninghauser Str. 11 a, 59955 Winterberg,
christof.krick@esperanto.de

plia estrarano:

Harald Schmitz, Dohlenweg 2, 50259 Pulheim,
hschmitzpul@gmx.de

Mandato-periodo, tempo de la sekvaj elektoj:

2 jaroj, majo 2012

=== *Agado* ===

AGEI estas komunitila asocio, agadas por interkompreniĝo de popoloj, eduko al paco kaj toleremo. La asocio helpas la lernejan kaj universitatan instruadon de Esperanto, proponas internaciajn amikajn kontaktojn inter lernantoj de Esperanto, instigas al internacia interŝanĝo de lernantoj, zorgas pri trejnado de Esperanto-instruistoj, ellaboras kaj disvastigas esperantajn instru- kaj ekzamenmaterialojn, rekomendas lingvajn ekzamenojn ankaŭ laŭ internaciaj normoj, kunlaboras kun similaj internaciaj fakorganizaĵoj, estas alparolpartnero por la ministerio pri edukado rilate al Esperanto-instruado.

AGEI organizas fakajn kunvenojn, instigas al verkado de fakaj artikoloj kaj fakliteraturo, donas fakajn servojn al siaj membroj.

Gravas ankaŭ la konsultado pri instruagado, metodika-didaktika helpo por gekolegoj, spertinterŝanĝo pri lerneja kaj eksterlerneja Esperanto-instruado.

Propraj aranĝoj dum 2010:

Torpedo-6, Tradicia Oktobra Renkontiĝo Pedagogia: pedagogiaj tagoj por klerigado, faka pluklerigado, spertinterŝanĝo inter gekolegoj.

En 2010 TORPEDO-6 estis samtempe ILEI-seminario pri projektoj kaj subvencipetado. Tiu temo tre gravis, ja estas grave serĉi kaj provi trovi ekstermovadajn monfontojn por instruado de Esperanto. La seminario vekis grandan intereson kaj instigis gekolegojn por mem iniciati ellaboradon de plurlanda internacia projekto por gejunuloj.

Aranĝoj de aliaj kie sekcio aperis:

Dum PSI (Printempa Semajno Internacia) en aprilo 2010, kie okazis prelegserio, studsesio pri Esperanto-gramatiko, literaturo, movadaj konoj, ktp.

Tie estis ofertataj ankaŭ la novtipaj UEA-ITK ekzamenoj kaj pluraj kandidatoj trapasis tie la B1, B2 aŭ C1 nivelan ekzamenon.

Propraj projektoj dum 2010:

Preparlaboro por organizi en 2011 agnoskitan klerigsemajnon, lingvolernadon (Bildingsurlaubswoche) kadre de popola altlernejo (KVHS) en Osterode. Ellaboro de alvokteksto kaj detala priskribo de la enhavo.

Projektoj de aliaj en kiuj la sekcio kunlaboris:

Comenius-projekto (2008-2010) kun lernejoj en Hungario kaj Britio, kaj Grundtvig projekto (2009-2011) de Germana Esperanto-Centro en Herzberg am Harz

Varba agado en Esperanto:

Varbado, alvokoj per la AGEI-hejmpaĝo kaj per cirkuleroj, artikoloj, alvokoj en IPR, Esperanto aktuell, ktp.

Informado, varbado dum E-o renkontiĝoj kaj dum GEK

Varba agado en naciaj lingvoj:

per la AGEI kaj ICH-hejmpaĝoj en la germana

Sekciaj kontaktoj kun ne-esperantistaj organizoj kaj projektoj:

v. supre ĉe projektoj. Krome: AGEI kunlaboras kun popolaltlernejoj (VHS) ekz. por organizado de feriotempa studsemajno.

Konata E-instruado en via teritorio:

Vidu liston de lernejoj (bazaj kaj mezgradaj) kaj universitatoj ĉe edukado.net pri nombro kaj aĝo de lernantoj, grado de oficialeco, uzataj lerniloj, daŭro, intenseco ks.

Aliaj atingoj en 2010

Fortiĝo de Esperanto-instruado en universitatoj (Münster, Emden, Stuttgart)

=== *Historio kaj Estonto* ===

Historio:

La biblioteko de ICH havas kaj konservas kelkajn historiajn materialojn de ILEI kaj havas kompletajn jarkolektojn de AGEI-cirkulero, IPR kaj Juna amiko. Ni havas planojn verk(ig)i historion pri nia asocio.

Perspektivoj por 2011

Membro-nombro:

Multjara stabileco.

La membronombro iom malkreskas pro aĝiĝo de la membraro, aliflanke ni varbas ankaŭ inter la junularo kaj kunlaboras ekz. kun GEJ per oferto de studsesioj, klerigmoduloj, alvoko al membriĝo. Tiel la membronombro ne multe ŝanĝiĝas, ĝojigas nin iom da kresko.

Agado:

AGEI plurfoje helpis ankaŭ dum 2010 al gekolegoj per metodikaj, fakaj konsiloj por starigi kaj gvidi E-kursojn en lernejoj, rekomendis lernolibrojn, taŭgajn metodojn.
Nova tasko aldoniĝis en aŭtuno: disvastigo de la traktitaj temoj, rezultoj, ktp. de la ILEI-seminario dum Torpedo-6, pluserĉado de financoj por subteni instruagadojn el eksterasociaj, ekstermovadaj fontoj.

Kunlaboro kun ILEI:

AGEI ekde jaroj estas la plej multnombra Landa Sekcio de ILEI. Aparte menciindas la alta nombro de membroj kun papera IPR.
Menciindas, ke por Torpedo-6 en oktobro 2010 ni ricevis iom da financa helpo por organizi la seminarion pri projektoj kaj subvencipetado, kiu traktis vere aktualan kaj utilan temon.
ILEI kontribuis al la Fondaĵo Esperanto-urbo (fondita en decembro 2010), ILEI-prezidanto estas en la kuratoraro. AGEI volonte kunlaboras, planas kunlabori en internaciaj ILEI-projektoj.

Kontribuoj al ILEI:

Per la partnereco kun ILEI, Interkultura Centro Herzberg plenumas plurajn taskojn, servojn. Surbaze de la bona rilato povas ekfunkcii fizika adreso, administrejo, oficejo por ILEI en Herzberg am Harz – la Esperanto-urbo.
En Herzberg estas bonaj kondiĉoj por stoki arkiv-materialojn, dokumentujojn, restkvanton de IPR-numeroj, JA, eĉ kun la celo de tie, el centra loko distribui ilin al abonantoj, interesiĝantoj pri provekzempleroj, ktp.
La instru-rilataj eventoj, renkontiĝoj en Germanio, la kunlaboro kun UAM kaj aliaj edukcentroj estas bona internacia varbado por ILEI.

Instruista trejnado:

Okazas per GEA-komisiitoj Peter Zilvar (por klerigado) kaj Zsófia Korody (por instruado) en serio de Studsesioj (klerigmoduloj), kiujn la studemuloj povas plenumi per ĉeesto, per verkado de hejmtaskoj kaj diplomlaboraĵo, per prezentado de iu faka temo kaj per prelego, provinstruado. Per alvokoj AGEI subtenas la informadon pri la universitataj interlingvistikaj studoj kaj la instruista trejnado ĉe UAM, Poznan, PL.
Interkultura Centro Herzberg/Germana Esperanto-Centro ofertas siajn studsesiojn, metodikajn kursojn, instrukapabligan sistemon ankaŭ por internacia publiko.
La ellaborita klerigesia modulo estis pretigita en 2009 por la Grundtvig-projekto (instruado al la generacio 55+), sukcese plenumita kaj prezentita por internacia uzo.
Nia klopodo estas la starigo de tiu modelo por unuecigo de instrukapabliga postularo internacinivele.

Opinioj pri ILEI:

Ni ĝojas pri pli vastskala, regula kaj bone administrata funkciado de ILEI, pri klara, travidebla financa stato kaj freŝa, bonnivela informagado perreta.
Gravas la iniciatoj por instruado kaj internacia disvatigo de Esperanto, malfermiĝo al novaj landoj, kontinentoj.

Enketila plenskribinto:

Zsófia Kóródy, prezidanto de AGEI, 01.06.2011